

# 1 Yoane

## Yoaneŋe ekap aŋgoân kulemguop.

---

**1** <sup>1-2</sup>O bukulpne,  
Anitâhât Kâi Toka yaŋe manman kârikŋahât amboŋe oap. Otmu Anitâŋe hân himbim ki kândikyotgop yapâek Anitâ orop tatmâ gaowotŋak tatmâ gawot. Otmu himbim pilâm ge imbihâlembâ tetem lok otmâ hohtenŋan manop. Otmu nen aposololipŋe menenekmu orowâk manbin. Manbin yan manman kârikŋan mannom yakât den pat eknongomu nâŋgâmunŋe bulâŋe olop. Yakât otmâ nenŋe den pat ya yen ekyongom gawin. Den ya torokatmâ ekap yu kulemgum katyŋgian.  
<sup>3-4</sup>Nenŋe Anitâ yet nanŋe Yesu Kiristo orop biwinnenŋaŋe kepeiakmâ konohâk otmu biwi hero kakŋan manmain. Otmu yeŋe yawuâk manmâ Kiristohât lohimbi orop nanŋangim buku oraŋgim mannomaihât ekap yu kulemgum katyŋgian.

### **Anitâ Koko Salek Amboŋe laŋinŋan tatmap.**

<sup>5</sup>Anitâhât biwiŋan nâŋgân nâŋgân âlâlâ tatmap yakât topŋe ikŋe nanŋaŋe sâm tetem eknongop. Yakât yuwu sâmune nâŋgâŋet. Anitâ Koko Salek Amboŋe laŋinŋan tatmap. Otmu lohimbiŋeâmâ omoŋ biwiŋan manmâ orotmeme kiŋoŋ otmâ tosa mem manmai. Yâhâ Anitâhâlen ya âlâ ki tap. <sup>6</sup>Nenŋe “Anitâ orop biwinnenŋaŋe kepeiakmâ konohâk otmap,” yawu sâm bukulpnenŋe ekyongomain. Yawu ekyongomain yamâ nenŋe otmunŋe bâlem gamap yan den perâkŋe kâityongom Anitâhât den bulâŋe ya ki lâumain. <sup>7</sup>Yâhâ nenŋe Anitâ Koko Salek Amboŋahât den nâŋgâmunŋe haŋ sâningimu yâkât tem tiŋâk lâuwangim manmain. Yawu otmâ manmain yan Kiristoŋe nengât tosa hât otmâ sâreerenekmâ muop yakât nâŋgâm Anitâŋe nenŋe tosa otmain ya pilâningimap. Tosa pilâningiap nâŋgâm bukulpnenŋe orop biwinnenŋaŋe kepeiakmâ konohâk otmu heronŋe nâŋgawaŋgim mepaemain.

<sup>8</sup>Nenŋe Anitâhât den bulâŋe yakât pâpgum, “Nenŋe koko salehâk manmain,” sâmain otmuâmâ perâk sâmain. Nenŋe yawu otmâ hiliwahonomgât mâtâp ya watmain. <sup>9-10</sup>Yâhâ nenŋe “Orotmeme bâleŋe âlâ ki otmain,” sâmain yanâmâ Anitâhât den nâŋgâmunŋe ki bulâŋe otmap. Yawu otmâ “Anitâŋe den perâk sâmap,” yawu nâŋgâm hilipgumain. Nenŋe tosanenŋe sâm tetemunŋe Anitâŋe pilâningiwuapgât den sâm kalop ya kum ondop âlâ ki otbuap. Yakât nâŋgâm biwinenŋe ekmâ orotmeme bâleŋe wuân me wuân otbin yakât nâŋgâmunŋe haŋ sâningimu bukulipnenŋe yeŋgât senyeŋan kinmâ sâm tetem Anitâ ulitgunom. Yawu otnom yanâmâ Anitâŋe tosanenŋe pilâningiwuap.

### **Kiristoŋe Anitâ orop tatmâ nengât sâm ulitgumap.**

**2** <sup>1-2</sup>Yeŋe otŋetâ bâlemu tosa memaihât ekap yu kulemgum katyŋŋian. Yesu Kiristoŋe ki otmâ tâpikguop yamâ lohimbi kerek nengât tosanenŋahât otmâ kawenenŋan kinmu kuŋetâ muop. Otmu mumuŋambâ yahatmâ himbimân yâhâ Anitâ orop tatmâ nengât sâm ulitgumap. Yakât otmâ lohimbi âlâ me âlâŋe otŋetâ bâlewup yan yakât nâŋgâm Anitâ ulitgunomai. Yawu ulitguŋetâ yâkŋe Kiristohât nâŋgâm tosayeŋe pilâyŋgiwuap.

<sup>3</sup>Nenŋe Anitâhât tem lâuwangimain yan yâkŋe nenekmu ârândâŋ otmu yâk orop biwinenŋaŋe kepeiakmâ konohâk otmap yawu nâŋgâmain. <sup>4</sup>Yâhâ lohimbi nombotŋaŋe “Nenŋe Anitâhâlen biwinenŋaŋe kepeim mansain,” sâmai yamâ yâkât den loŋgâemai. Lohimbi yawuyaŋe Anitâhât den nâŋgâŋetâ helekŋe otmu den perâk sâmai. <sup>5-6</sup>Yâhâ nenŋe Anitâhât den tâŋ tâŋâk watmâ tem lâuwangimain yan yâkŋe wawaenenekmâ mâmâŋe otningimap. Mâmâŋe otningimap yakât bulâŋeâmâ Yesuŋe buku otningiop yawuâk nenŋe bukulipnenŋe orop buku oraŋgim manmain. Ya ekmâ yâk orop biwinenŋaŋe kepeiakmâ konohâk otmap yawu nâŋgâmain.

### **Nenŋe buku oraŋgim mannom.**

<sup>7</sup>Bukulipne, yuwu sâmune nâŋgâŋet. Kiristoŋe lohimbi kerek buku otningiop. Yakât otmâ yeŋe Anitâ orop biwiyeŋaŋe kepeiakmâ konohâk otmu Kiristoŋe buku otyŋŋiop yawuâk yeŋe gurâ buku oraŋgim mannomaihât den emelâk kâsikum yŋŋimunŋe nâŋgâwi. Den yu yawuâk kulemgum katyŋŋian. <sup>8</sup>Yâhâ Anitâ orop biwinenŋaŋe kepeiakmâ konohâk otmu buku oraŋgim manmain yakât mâtâpŋe aŋgoân Kiristoŋe watmu yâkâlen bulâŋe tetemu ekbin. Otmu Anitâhât laŋŋe bulâŋe biwi nâŋgân nâŋgânyeŋan pilâmu haŋ sâyŋŋimu mâtâp yawuâk watmâ buku oraŋgim mannomai. Yawu otmâ manŋetâ yanâmâ Omoŋ Amboŋahât wâtŋe gewuap.

<sup>9</sup>Yâhâ lohimbi nombotŋaŋe “Anitâhât laŋŋaŋe biwinenŋan pilâmu haŋ sâningimu tem lâuwangim mansain,” sâmai. Yawu sâmai yamâ

bukulipyene yengât nângâm bâleyingimai. Yawu otmâ Anitâhât den nângâm pâpgum omoŋ biwiŋan manmai. <sup>10</sup>Yâhâ lohimbi nombotŋe âlâneâmâ bukulipyene orop biwiyeŋaŋe kepeiakmâ konohâk otmap. Lohimbi ya yengât biwiyeŋan Anitâhât lanjŋaŋe pilâmu haŋ sâyŋgimu tem lâuwaŋgim târârâhâk manmai. Yawu manŋetâ lohimbiŋe manmanyene ekŋetâ âlepŋe otmap. <sup>11</sup>Yâhâ lohimbiŋe bukulipyene yengât nângâm bâleyingimai ya yengât biwi nângân nângânyeŋan omoŋ sahakyingimu ihilâk mahilâk otmâ manmai.

<sup>12-14</sup>Kiristoŋe himbimâmbâ ge nengât tosaŋetâ otmâ kawenenŋan kinmu kuŋetâ muop. Yakât den pat ekyongomunŋe nângâŋetâ bulâne otmu Anitâŋe tosaŋe pilâyŋgiop. Yawu otmu yâk orop biwiyeŋaŋe kepeiakmâ konohâk otmap.

Otmu lohimbi papato yengât yuwu sâmunne nângâŋet. Yeŋe Anitâhât den tiŋâk lâum kârihem kinŋetâ Manman Bâleŋahât Amboŋaŋe mem ge katyekbe sâm pâpgum pilâyekmu mansai. Ya yawuâk mannomaihât nângâm ekap yu kulemgum katyŋgian.

Otmu lohimbi sombo yengât yuwu sâmunne nângâŋet. Anitâŋe hân himbim ki kândikyotgop yapâek Kiristoŋe tatmâ gaopŋak tatmâ gap. Yeŋe yâkâlen biwiyeŋaŋe tiŋâk kepeim manmâ gaŋetâ yu oap. Yakât nângâm herone nângâyŋgim yengât den yu kulemguan.

#### **Anitâhât tem lâuwaŋgim mannom.**

<sup>15-16</sup>Lohimbi nombotŋaŋe Anitâhât hâkâŋ otmai. Yawu otmâ Manman Bâleŋe Amboŋahât amutgen manmâ yuwu otŋetâ bâlemap. Hâk sânduhân mansain sâm yeŋahâlâk nângâŋetâ yahatmu hâkyeŋe mepaemai. Yeŋe eŋatyeneâk watmâ senŋe âlâlâ ekŋâlem ihilâk otmai. Yawu otŋetâ dondâ bâlemap. Yakât otmâ lohimbi yawuya yengâlen ki torokatnomai. Yâhâ yeŋe yâk yengâlen torokatmâ yâkŋe otmai yawuâk otnomai yanâmâ nenŋe yekmunŋe Awoŋnenŋe Anitâhâlen biwiyeŋaŋe ki kepeim mansai yawu otbuap. <sup>17</sup>Manman Bâleŋe Amboŋahât wâtŋe gewuap. Otmu lohimbiŋe senŋe âlâlâ ekŋâlemai yaŋe biatbuap. Yakât otmâ lohimbi bâleŋe ya yengâlen ki torokatnomai. Yawu otmâ Anitâŋe nenekmu ârândâŋ olâk sâm tem lâuwaŋgim manŋetâ manman kârikŋan katyekmu manmâ yâhâmbisâi.

#### **Lok perâkŋe yengât sâop.**

<sup>18</sup>Bukulipne, yuwu sâmunne nângâŋet. Kiristoŋe âwurem gewuapgât sâpŋe utâpŋuap. Otmu sâp ya tâlâhuwuap yan lok âlâne tetem Kiristo mem ge katmâ yâkât kawenŋan kinmâ lohimbi yengât nângân nângânyeŋe mem hâlim tuhuyŋgiwuap. Yakât den emelâk ekyongomune nângâwi. Yâhâ sâp yuâmâ lok yawuya dondâhâlâkŋe teteŋetâ yekmain. Yakât otmâ Kiristoŋe âwurem gewuapgât sâpŋe utâpŋuap yawu nângâmain.

<sup>19</sup>Emelâk lok ya nen orop manbin yamâ biwinenŋaŋe ki kepeiakmâ konohâk olop. Ya yeŋgât topyeŋe lohimbiŋe nâŋgâŋetâ keterahâkgât Anitâŋe nâŋgâmu pilânenekmâ ariwi. Yâhâ yâkŋe nen orop biwinenŋaŋe kepeiakmâ konohâk olop mâne ki pilânenekmâ arimbâi.

<sup>20-21</sup>Yâhâ yenâmâ Kiristoŋe Wâtgât mâmâŋahât Heak hâŋgâŋgumu ge biwiyenŋan kioŋmu yaŋak ikŋe den bulâŋe nâŋgâm heŋgeŋgumai. Yakât otmâ nâŋgân nâŋgânyeŋe kuwikyŋiŋiwe sâŋ den ki kulemgum katyŋŋian. Yeŋe Kiristohât den nâŋgâm heŋgeŋgumai yakât otmâ lok nombotŋaŋe topyeŋe kurihakmâ Kiristohât den kelaŋgatmâ ekyongomai ya nâŋgâŋetâ ki bulâŋe otmu topyeŋe tetekŋan tetemu ekmai. Yakât nâŋgâm ekap yu kulemgum katyŋŋian.

<sup>22</sup>Lok yaŋe Kiristohât den kelaŋgatmâ yuwu ekyongomai. “Yesuŋe lohimbi tihitnenŋe olâkgât Anitâŋe yâk ki hâŋgâŋgumu giop. Kiristoâmâ nen orop dop konohâk mansain.” Yawu sâŋ Kiristohât nâŋgâŋetâ tâŋât otmu betgumai yakât dopŋeâk âwâŋe Anitâhât nâŋgâŋetâ tâŋât otmu betgumai. <sup>23</sup>Yakât yuwu sâŋmune nâŋgâŋet. Lohimbi âlâ me âlâŋe Anitâ nanŋahât hâkâŋ otmâ betbaŋgimai yan Yesuhât hâkâŋ oain sâŋ yan âwâŋe Anitâhât hâkâŋ otmâ betbaŋgimai. Yâhâ lohimbi âlâ me âlâŋe Anitâ nanŋahâlen biwiyenŋaŋe kepeimai otmuâmâ âwâŋahâlen gurâ yawuâk kepeimai.

<sup>24</sup>Otmu den pat âlepŋe kâsikum yŋŋim gai ya biwiyenŋan katmâ lâum manŋetgât nanŋan. Yawu otmâ mannomai yan Kiristo yet Anitâ orop biwiyenŋaŋe kepeiakmâ konohâk otmu mannomai. <sup>25</sup>Yawu manŋetâ yanâmâ Kiristoŋe manman kârikŋan manmâ yâhâmbisâihât pat kuyŋgiop yakât bulâŋe yŋŋimu menomai.

<sup>26</sup>Lok perâkŋaŋe Kiristohât den kelaŋgatmâ kâsikum yŋŋimai. Den ya nâŋgâŋetâ bulâŋe otmu Kiristo betgumaihât den yu kulemgum katyŋŋian. <sup>27</sup>Yâhâ yenâmâ Kiristoŋe Wâtgât mâmâŋahât Heak hâŋgâŋgumu ge biwiyenŋan kioŋmâ mâmâŋe otyŋŋim gap. Yawu otmâ den bulâŋeâk biwiyenŋan katmu yu me yakât ki nâŋgâm hilipgumai. Otmu yawuâk otyŋŋim yâhâwuap yanâmâ Kiristohât den nâŋgâm heŋgeŋgum mannomai. Yawu nâŋgâm heŋgeŋgunomai yanâmâ lok nombotŋaŋe taka den kâsikum ningiŋet sâŋ ki âiyongonomai.

### **Kiristohât tem lâuwaŋgim mannom.**

<sup>28</sup>Otmu Kiristoŋe ikŋe lohimbi yen orop menenekbe sâŋ âwurem gewuap yan yeŋe aŋulakmâ kâmgumaihât Kiristo orop biwiyenŋaŋe kepeiakmâ konohâk otmu tem lâuwaŋgim mannomai. Yawu otmâ mannomai gârâmâ yâkŋe gewuap yan nenŋe yen orop yâkât senŋan kinmâ hâmeŋe âlepŋe ningiwuapgât nâŋgânom. <sup>29</sup>Anitâmâ Koko Salek Amboŋe. Yakât otmâ lohimbi âlâ me âlâŋe târârâhâk manmai ya yekmunŋe Anitâŋe nine nanne baratne sâŋ meyekmu mansai yawu otmap.

**Awoŋnenŋe Anitâŋe wawaenenekmap.**

**3** <sup>1</sup>Bulânjanâk Awoŋnenŋe Anitâŋe wawaenenekmâ nine nanne baratne sâŋ menenekmu yâkât pat otmâ mansain. Yakât nânŋâmunŋe âlâ kândâkdâ otmap. Lohimbi belângen manmaiŋe Anitâhât den nânŋâŋetâ gemu bet pilâm Kiristohâlen biwiyenŋe ki katbi. Yakât otmâ nengât gurâ yawuâk hâkâŋ otmâ betnongom mansai. <sup>2</sup>Anitâŋe nine nanne baratne sâŋ menenekmu mansain. Yâhâ hâmbâi sâp patoen manman âiŋe ningimu menom yakât topŋe tipenŋe nanŋain. Yawu gârâmâ Kiristoŋe âwurem ge menenekbuap. Sâp yan manman âiŋe ningiwuap yamâ ikŋe manman koko salek yawuya ningimu menom. <sup>3</sup>Manman ya ningimu menomgât nânŋâm biwinenŋe mem mannom. Otmu Kiristoŋe koko salehâk tatmap yawuâk manne sâŋ yâkât wâtŋan kinmâ orotmeme bâleŋe bet pilâm manmâ yâhânom.

<sup>4</sup>Lohimbiŋe otŋetâ bâlemap sâŋ Anitâŋe ikŋe nânŋân nânŋân ya lohimbi kerek nengât biwinenŋan katmu tatmap. Yawu gârâmâ lohimbi âlâ me âlâŋe otŋetâ bâlemap yan Anitâhât den ya loŋgâem tosa memai. <sup>5</sup>Lohimbi kerek nengât tosa pilânŋiwe sâŋ Kiristo Manman Koko Salek Amboŋaŋe himbimâmbâ ge koko salehâk manmâ nengât tosa hât otmâ muop. <sup>6</sup>Yakât otmâ lohimbi âlâ me âlâ yâkâlen biwiyenŋe kepeimaiŋe orotmeme bâleŋe bet pilâwi ya ki miwirikum otmâ manmai. Yâhâ lohimbi âlâ me âlâ orotmeme bâleŋe tâtâem otmaiŋe yâkât den ki nânŋâmai, otmu yâkâlen biwiyenŋe ki kepeim manmai.

<sup>7</sup>Lohimbi âlâ me âlâŋe den perâkŋe kâityongonomai ya nânŋâŋetâ bulâŋe otmapgât yuwu sâŋmune nânŋâŋet. Kiristohât biwiŋan nânŋân nânŋân âlâlâ tatmap yakât Anitâŋe nânŋâmu ârândânŋ otmap. Otmu emelâk Kiristoŋe Anitâhât tem lâum yu ya otminiop ya Anitâŋe ekmu ârândânŋ olop. Otmu lohimbi âlâ me âlâŋe Anitâhât tem lâum manmai ya yengât gurâ yawuâk Anitâŋe nânŋâmu ârândânŋ otmap. <sup>8</sup>Yâhâ kândikum emelâk topŋe katmâ Anitâŋe lohimbi tuhuyelehop yapâek Satanŋe yâkât den kum lohimbi kâityongom gamap. Yakât otmâ lohimbi âlâ me âlâ orotmeme bâleŋe tâtâem otmaiŋe Satanŋe Anitâhât den kumap yawuâk den kumai. Yawu otmâ Satangât pat otmâ mansai. Yâhâ Satanŋe lohimbi nengât biwinenŋan kioŋmu orotmeme bâleŋe otmâ yâhâmaingât Anitâ nanŋaŋe mâtâp maŋguwaŋiwe sâŋ himbim pilâm hânân ge manop.

<sup>9</sup>Anitâ ikŋak lohimbi menenekmâ nine nanne baratne sâŋ mâmâŋe otningim gamap. Yakât otmâ nenŋe orotmeme bâleŋe bet pilâwin ya miwirikum tâtâem otnomgât dop âlâ ki tap. Yakât otmâ orotmeme bâleŋe ki otmâ manmain. <sup>10</sup>Nen Anitâhât pat otmâ manmainŋe lohimbi Satangât pat otmâ manmai ya orop oset guset manmain. Yakât otmâ manman girawuya manŋetâ yekmunŋe topyeŋe tetem heŋgeŋguwuap yakât yuwu sâŋmune nânŋâŋet. Yâkŋe Anitâhât ki tem lâuwaŋimai.

Yawu otmâ bukulipyen̄e orop biwiyen̄aŋe ki kepeiakmâ konohâk otmu buku oran̄gimai. Lohimbi yawuyen̄aŋe Anitâhât pat ki otmâ mansai.

**Bukulipnen̄e orop biwinen̄aŋe kepeiakmâ konohâk otmu mannom.**

<sup>11</sup>Yâhâ yen̄eâmâ lohimbi kerek nân̄gâyin̄gim buku otyin̄gim mannomaihât den emelâk kâsikum yin̄gimun̄e nân̄gâwi. <sup>12</sup>Emelâhâmâ lok âlâ, kut̄e Kain sâam, yâk̄e Bâleŋe Amboŋahât amutgen manmâ imiŋe kumu muop yakât yuwu sâamune nân̄gâŋet. Imiŋaŋe hotom umu Anitâŋe ya ekmu ârândân̄ olop. Yâhâ ik̄jak hotom umuâmâ Anitâŋe ya ekmu ki ârândân̄ olop. Yakât otmâ imiŋahât nân̄gâm bâlewan̄giop. Yawu gârâmâ Kain̄e olop yawu ki otnomai.

<sup>13</sup>Otmu lohimbi belângen manmaiŋe yen̄gât nân̄gâm bâleyin̄ginomai yan biwiyen̄e ki yahatbuap.

<sup>14</sup>Emelâk nen Kiristohât lohimbiŋe yâkâlen biwinen̄aŋe ki kepeiwin yan hiliwahonomgât pat manbin. Yawu gârâmâ biwinen̄e yâkâlen katmun̄e Anitâŋe manman kârik̄jahât pat kuningimu manmain. Yakât bulâŋeâmâ bukulipnen̄e orop biwinen̄aŋe kepeiakmâ konohâk otmu manmain ya nân̄gâmain. Yâhâ lohimbi bukulipyen̄e yen̄gât nân̄gâm bâleyin̄gimaiŋeâmâ hiliwahonomaihât pat manmai. <sup>15</sup>Kiristohât lohimbi âlâ me âlâŋe bukulipyen̄e yen̄gât nân̄gâm bâleyin̄gimai. Yawu otmai ya yen̄gât Anitâŋe nân̄gâmu bukulipyen̄e yongon̄etâ muai yawu otmap. Otmu nen̄eâmâ yekmun̄e manman kârik̄jahât pat ki mansai yawu otmap. <sup>16</sup>Kiristone sâreerenekmâ kawenen̄an kinmu kuŋetâ muop yan buku konok orotgât mâtâp bulâŋe teteop ya nân̄gâmain. Yâhâ yakât dop̄eâk nen̄e bukulipnen̄e hewewen̄âk tânyongonom. <sup>17</sup>Otmu lohimbi nombot̄e iri sikumyen̄e pato tatyin̄gimap̄e bukulipyen̄e nombot̄e sen̄e âlâlâhât umburuk otmâ umat̄e kak̄jan manmai ya ki tânyongomai. Ki tânyongon̄etâ ya yekmun̄e Anitâhâlen biwiyen̄aŋe ki kepeim mansai yawu otmap. <sup>18</sup>Yakât yuwu sâamune nân̄gâŋet. Nen̄e bukulipnen̄e “Âlep̄e tânyongonom,” sâam launen̄aŋak ki sâanom. Yawu otmâ biwinen̄aŋe kepeiyekmâ hewewen̄âk tânyongonom.

**Anitâŋe wawaenenekmâ ki mem ge katnenekmap.**

<sup>19</sup>Nen̄e biwinen̄aŋe bukulipnen̄e kepeiyekmâ tânyongomai yan Anitâ Manman Bulâŋahât Amboŋaŋe mâmâŋe otningimu mansain yakât bulâŋe ya tetemu ekmain. Yawu otyin̄gimain yan Anitâŋe nenekmu ârândân̄ otmap yawu biwinen̄aŋe nân̄gâmain. <sup>20</sup>Yawu gârâmâ Anitâŋe nenekmu ârândân̄ otmap me bia yakât nân̄gâm biwi yâhâp otmain yanâmâ Anitâ biwinen̄e ekmap̄e wawaenenekmâ ki mem ge katnenekmap ya nân̄gâmun̄e biwinen̄e ârândân̄ otmap. <sup>21</sup>Anitâŋe nenekmu ârândân̄ otmap yawu biwinen̄aŋe nân̄gâm yu yakât pahâk ulitgumain. <sup>22</sup>Otmu nen̄e girawu manmun̄e nenekmu ârândân̄ otbuapgât top̄e nân̄gâm tem lâuwân̄gim

mannom yanâmâ yu yakât ulitgumunne âlepne nângâningiwuap. <sup>23</sup>Nenne Anitâ nanje Yesu Kiristohâlen biwinenjahe kepeim tem lâuwangim mannongât yâkne sâam kalop. Yakât otmâ nenje Kiristohât tem lâuwangim bukulipnenne orop biwinenjahe kepeiakmâ konohâk otmu mannom. <sup>24</sup>Otmu Anitâne den âlâlâ sâam kalop ya lâum manmain yan yâkne Wâtgât mâmâjahât Heak hângângumu ge nengât biwinenjan kionmu Anitâ orop biwinenjahe kepeiakmâ konohâk otmu mansain ya nângâmain.

### Lok perâkne yengât topyene

**4** <sup>1</sup>Bukulipne, yuwu sâamune nângânet. “Wâtgât mâmâjahât Heakne den âlâlâ biwinenjan katmu sâam tetem ekyongomunne nângânet,” sâam lohimbi âlâ me âlâne engatyejan genetâ denyeje in yawu nângâmai. Yakât nângâmunne ki ârândâj otmap. Lok perâkne dondâhâlâkne den yawu sâam lohimbi kâityongomai. Yakât otmâ den sâam tetemai ya Wâtgât mâmâjahât Heakne biwiyenjan katmu sâamai me weke bâlenjahâlen kândiwahom den sâamai yakât topne nângâne sâam yuwu âiyongonomai. <sup>2</sup>“Yesune lohimbi nengât tihitnenne olâk sâam Anitâne himbimâmbâ hângângumu ge lok otmâ manop. Ya nângânetâ bulâne otmu yâkâlen biwiyenjahe kepeim mansai me bia?” Yawu âiyongonetâ “Oj,” sâanomai otmuâmâ âlepne nângâyinginomai. <sup>3</sup>Yâhâ “Bia,” sâanomai otmuâmâ betyongonomai. Yâhâ Wâtgât mâmâjahât Heakne lohimbi yawuya yengât biwiyenjan den ki katmap. Yâhâ hâmbâi lok âlâne tetem topne kurihiakmâ Kiristohât kawenjan kinbuap yakât den emelâk ekyongomunne nângâwi. Yawu gârâmâ sâp yuâmâ lok yakât kunne, kutne Kâitgu Kâitgu Amboje, yâkne lok perâkne mâmâne otyingimu den ekyongomai.

<sup>4-5</sup>Yâkne mâmâne otyingimu den ekyongomai yan lokgât nângân nângân tâjât watmâ den ekyongomai. Yakât otmâ lohimbi belângen manmaiye denyeje nângânetâ bulâne otmap. Yâhâ yenâmâ Anitâhât pat mansai. Otmu Ambonenje Anitâ Wâtgât Amboje lok perâkne yengât ambojeje Satan ya mem ge kalop. Yakât otmâ yeje Anitâhât wâtjan kinmâ lok perâkne yengât den nângânetâ ki bulâne otmap. <sup>6</sup>Otmu nen gurâ yawuâk Anitâhât pat mansain. Yakât otmâ Kiristohât lohimbiye Anitâhât den topjambâek nângâne sâam otmai ya yâkât den kâsikum yingimunne nângâm biwiyenjan katmâ mansai. Yawu otmai yan Wâtgât mâmâjahât Heakne mem hewewen tuhuyekmu nângânetâ bulâne otmap ya nângâmain. Yâhâ lohimbi hiliwahonomaihât pat mansaiye nengât den nângânetâ gemu bet pilâmai. Yawu otmai yan Kâitgu Kâitgu Amboje nângân nângânyeje mem hâlim tuhuyingimu yanak nengât den nângânetâ gemu bet pilai ya nângâmain.

### Biwi Kepeiak Kepeiak Ambojeâmâ Anitâ

<sup>7</sup>Bukulipne, yuwu sâamune nângânet. Lohimbi âlâ me âlâne Anitâ orop biwiyenjahe kepeiakmâ konohâk otmu manmai yamâ Anitâne

nine nanne baratne sâ m meyekmu mansai. Yawu otmâ mâmânje otyingimu biwiyenaje bukulipyenje kepeiyekmâ tânyongomai. Otmu nen gurâ yawuâk Anitânje mâmânje otningimu mansain. Yakât otmâ biwinnenaje kepeiakmâ konohâk otmu buku oranjim mannom. <sup>8</sup>Biwi Kepeiak Kepeiak Ambojeâmâ Anitâ. Yakât otmâ lohimbi nombotjanje bukulipyenje yengât nângâm bâleyingimai ya yekmunje lohimbi belângen mansai yawu otmap. <sup>9</sup>Anitânje wawaenenekmâ manman kârikjahât pat kuningiwe sâ m ikje nanje ombe bisije hângângumu ge nengât toshât otmâ kawenennan kinmu kujetâ muop. Anitânje yawu olop yan wawaenenekmap yakât bulânje teteop. <sup>10</sup>Nenjahâk Anitâhâlen biwinnenaje ki kepeim manbin. Anjoân ikjahâk wawaenenekmâ ikje nanje hângângumu tosanennahât otmâ kawenennan kinmu kujetâ muop. Yawu otningiop yakât topje nângâm yanâmâ yâkâlen biwinnenaje kepeim mansain.

<sup>11</sup>Anitânje wawaenenekmâ yawu otningiop. Yakât otmâ nenje bukulpnennje orop biwinnenaje kepeiakmâ konohâk otmu mannom. <sup>12</sup>Lohimbi âlâ me âlânje Anitâ ki ekmain. Yawu gârâmâ nenje biwinnenaje kepeiakmâ konohâk otmu buku oranjim manmain yan Anitâ nen orop tatmap yakât bulânje tetemu ekmain.

<sup>13</sup>Nenje Anitâ orop biwinnenaje kepeiakmâ konohâk otmu manmunje Wâtgât mâmânjahât Heak hângângumu ge biwinnenan kionmu Anitâ nen orop tap ya nângâmain. <sup>14</sup>Anitânje lohimbi kerek tihitnenje otbe sâ m ikje nanje hângângumu ge sâreerenekmâ kawenennan kinmu kujetâ muop. Nenje yâk orop manbin yapâek yâkât den pat âlepje lohimbi ekyongom gain. <sup>15</sup>Yâhâ lohimbi âlâ me âlânje Anitâhât nanje Yesuhâlen biwiyenaje kepeim tem lâuwangimai yakât lohimbi ekyongomai yamâ biwiyenaje Anitâ orop kepeiakmâ konohâk otmu manmai. <sup>16</sup>Nenje yakât nângâmunje bulânje otmap.

Biwi Kepeiak Kepeiak Ambojeâmâ Anitâ. Yakât otmâ nenje bukulpnennje orop biwinnenaje kepeiakmâ konohâk otmu manmain. Yawu otmain yan Anitâ orop gurâ biwinnenaje kepeiakmâ konohâk otmu manmain. <sup>17</sup>Nenje yawu otmunje nângâmu ârândân otmap. Otmu sâp patoen yâkje lohimbi kerek nengât biwinnenje ek mâtje matje kâpekningiwuap yan nenje Kiristohât mâtâp watmain yakât hâmenje âlepje ningimu menom nângâm Anitâhât senjan kinnom.

<sup>18</sup>Nenje Anitâ orop biwinnenaje kepeiakmâ konohâk otmap yakât nângâm kîngitnenjahât ki otmain. Yâhâ lohimbi nombotjanje Anitâ orop biwiyenaje ki kepeiakmâ konohâk otmap. Yakât nângâm matje ningiwuap sâ m kîngityenahât otmai.

<sup>19</sup>Anjoân Anitânje wawaenenekmâ biwijnaje kepeinenehop. Yakât nângâm nenje yâkâlen biwinnenaje kepeim lohimbi buku otyingim manmain. <sup>20</sup>Yâhâ lohimbi Anitâhât pâpgumaije “Anitâhâlen



biwinenŋaŋe kepeim mansain,” sâmai yamâ bukulipyenŋe orop manmâ ki buku otyiŋgimai. Yawu manŋetâ Anitâhâlen biwiyenŋe kepeim manmai yakât bulâŋe tetemu ekmain. <sup>21</sup>Yâhâ nenŋe Anitâhâlen biwinenŋaŋe kepeim manmain. Yawu manmâ bukulipnenŋe orop buku oraŋgim mannomgât Yesu Kiristoŋe sâm kalop. Yakât otmâ ya otnehâlâk nâŋgâm manmâ yâhânôm.

**Manman Bâleŋahât Amboŋaŋe ki mem ge katnenekbuap.**

**5** <sup>1</sup>Bukulipne, yuwu sâmune nâŋgâŋet. Nenŋe âwâ mâmâlipnenŋe nâŋgâyiŋgimain yawuâk imi atalipnenŋe otmu wârâ toulipnenŋe nâŋgâyiŋgimain. Yâhâ Yesuŋe lohimbi nengât tihitnenŋe olâk sâm Anitâŋe hâŋgâŋumu ge lok otmâ manop. Nenŋe yâkâlen biwinenŋaŋe kepeimunŋe Anitâŋe nine nanne baratne sâm menenekmu yâk orop biwnenŋaŋe kepeakmâ konohâk otmu manmain. Otmu lohimbi nombotŋaŋe Anitâhâlen biwiyenŋe kepeimai yamâ imi atalipnenŋe otmu wârâ toulipnenŋe nâŋgâyiŋgimain yawuâk yâk yenŋât nâŋgâyiŋgimain. <sup>2</sup>Nenŋe Anitâhâlen biwinenŋaŋe kepeim yâkât den lâumain yakât bulâŋeâmâ yawu otmâ yâkât nanŋe baratŋe orop buku oraŋgimain nâŋgâmain. <sup>3-4</sup>Nenŋe Anitâhâlen biwinenŋaŋe kepeimain yakât bulâŋeâmâ yâkât denŋe tem lâuwangim manmain. Yakât yuwu sâmune nâŋgâŋet. Yâkŋe nine nanne baratne sâm menenehop yapâek mâmâŋe otningimu yâkâlen biwinenŋaŋe tiŋâk kepeim kârihem manmâ gain. Yawu manmâ tem lâuwangimunŋe ârândâŋ merândâŋ otmu Manman Bâleŋahât Amboŋaŋe mem ge katnenekbe sâm hâum pâpŋumap. <sup>5</sup>Lohimbi belângen manmai yâhâmâ Manman Bâleŋahât Amboŋaŋe in yawu mem ge katyekmu yâkât amutgen manmai. Yâhâ nenŋe Anitâ nanŋe Yesu Kiristohâlen biwinenŋaŋe kepeim mannom yanâmâ Manman Bâleŋahât Amboŋaŋe mem ge katnenekbuapgât dop âlâ ki otbuap.

**Yesu Kiristoŋe himbimâmbâ ge lok otmâ manop.**

<sup>6</sup>Anitâŋe ikŋe nanŋe Yesu Kiristo hâŋgâŋumu ge lok otmâ hohetnenŋan manop. Hohetnenŋan manmâ âi topŋe katbe sâm olop yan nambenŋe mem toen katmu Wâtŋât mâmâŋahât Heakŋe himbimâmbâ ge Kiristo mâmâŋe otbaŋgiop. Otmu âi ya mem manmâ manmâ benŋe howanân kuŋetâ muop. Howanân kuŋetâ muop yakât kakŋan mumuŋambâ yahatmâ himbimân âwurem yâhâop. Yakât topŋe nâŋgâmunŋe bulâŋe olâkgât Wâtŋât mâmâŋahât Heak, Bulâŋe Amboŋaŋe biwinenŋan kioŋmap. <sup>7-9</sup>Nambenŋe mem toen kalop sâp yan Kiristo âwâŋe Anitâŋe yâkât topŋe sâm tetem lohimbi ekyongomu nâŋgâwi. Otmu Kiristo muop sâp yan Anitâŋe nâŋgâmu kulem âlâlâ teteop. Otmu den sâop otmu kulem teteop ya Wâtŋât mâmâŋahât Heakŋe

biwinnenjan kionjmu yakât ekmâ nângâmunje bulâje olop. Yakât yuwu sâmunne nângâjet. Bukulipnenjađe den pat eknongonjetâ nângâmunje bulâje otmap. Yâhâ Anitâ ikje Wâtgât mâmânjahât Heakje biwinnenjan kionjmu Kiristohât den nângâmain me kulem tetemu ekmain ya bulâje dondâ otmap. <sup>10</sup>Lohimbi âlâ me âlâje Anitâ nanjahâlen biwiyenjađe kepeim manmai ya yengât biwiyenjan Wâtgât mâmânjahât Heakje kionjmu biwiyenje ârândâj otmap. Yâhâ lohimbi nombotjađeâmâ Anitâje nanjahât topje sâm tetem eknongop yakât den pat nângâjetâ ki bulâje otmap. Otmu Anitâje den perâkje sâmap yawu nângâjetâ otmap. Yawu nângâm biwiyenje alitmai. <sup>11</sup>Anitâje ikje nanje hângângumu ge manman kârikjahât mâtâp mem teteningiop ya watmâ manmain. <sup>12</sup>Yawu gârâmâ lohimbi âlâ me âlâje Anitâ nanjahâlen biwiyenjađe kepeim manmai yâhâmâ Anitâje manman kârikjahât pat kuyingimu manmai. Yâhâ lohimbi nombotjađeâmâ Anitâ nanjahât hâkâj otmâ biwiyenje alitmâ manmai. Yakât otmâ Anitâje hiliwahonomaihât pat kuyingimu manmai. <sup>13</sup>Yâhâ yeđeâmâ Anitâ nanjahâlen biwiyenjađe kepeinetâ yâkje manman kârikjahât pat kuyingimu mansai. Yakât nângâm engat yâhâp otmai hât ekap yu kulemgum katyinjian.

<sup>14</sup>Otmu girawu manmunje Anitâje nenekmu ârândâj otmap yakât topje nângâm hejengejumu yâkât nângân nângân ya watmâ ulitgumunje yanâmâ nângâningimap. Yakât otmâ yu yakât pahâk ulitgum manmain. <sup>15</sup>Nenje yâkât nângân nângân watmâ ulitgumunjeâmâ nângâningiwuap ya nângâmunje bulâje otmap. Yakât otmâ yu yakât ulitgumain yan âlepje ningiwuap nângâm engat yâhâp ki otmain.

<sup>16</sup>Otmu bukulipyenjađe otjetâ bâlewup yan hiliwahonomaihât mâtâp ki watnomai ya yengât yuwu sâmunne nângâjet. Yâkje Anitâhât den lojgâem otjetâ bâlewup yan Anitâ ulitgunjetâ Wâtgât mâmânjahât Heakje biwiyenjan kionjmu orotmeme bâleje ya pilânomai. Yawu otjetâ Anitâje manman âlepjan katyekmu mannomai. Yâhâ bukulipyeje nombotje âlâjeâmâ biwiyenje kârikje otmu Anitâ betgum manmai. Yawu manmâ hiliwahonomaihât mâtâp watmai ya yengât nângâm yeđe Anitâ ki ulitgunomai. <sup>17</sup>Lohimbi âlâ me âlâje girawu manjetâ Anitâje yekmu ârândâj otbuap yakât topje nângâm hejengejumi yamâ sâp âlâen yeđe engatyeneâk watmâ otjetâ bâlemu tosa memai. Yawu gârâmâ biwiyenje ki kârikje otmâ manmai. Yakât otmâ hiliwahonomaihât pat ki mansai.

<sup>18</sup>Anitâje nine nanne baratne sâm lohimbi meyekmâ manman kârikjahât pat kuyingimu manmaiye yâkât den ki lojgâem orotmeme bâleje tâtâem otmai ya nângâmain. Yâhâmâ Anitâ nanjađe tihityenje otmu yaņak Manman Bâlejahât Ambojađe mem ge katyekbe sâm pâpgumap.

<sup>19-20</sup>Lohimbi belângen manmaiye Manman Bâleje Ambojahât amutgen manmâ hiliwahonomaihât pat manmai. Yâhâ nenâmâ Anitâ

nanŋaŋe tihitnenŋe otbe sâm himbimâmbâ giop. Nenŋe yâkâlen biwinenŋaŋe kepeimunŋe Anitâ Manman Kârikŋahât Amboŋaŋe yakât pat kuningimu mansain. Yawu manmunŋe nâŋgân nâŋgânnenŋe keterakningimu Anitâ Bulâŋe Amboŋahât topŋe nâŋgâmain. Otmu yâkât wâtŋan kinmâ topŋe tipiŋe nâŋgâmain ya wangim topŋambâek nâŋgânom. Otmu Anitâ yet nanŋe Yesu Kiristo orop biwinenŋaŋe kepeiakmâ konohâk otmu manmain ya nâŋgâmain.

<sup>21</sup>Den bâiŋe yuwu sâmune nâŋgâŋet. Yeŋe Anitâ yet Kiristohâlen biwiyeŋaŋe kepeim manmai. Yawu gârâmâ yeŋe yâk betyotgom âlâhâlen biwiyeŋe ki katnomai. Yawu.

Nâ bukuyeŋe,  
Yoane